

زفرات آهات من شيخ العشيره راح الأكبر يا ليلي



من طاح الأكبر ودّع امامه
من دمّ المصرع بلّغ سلامه
بين الوالد والولد علامه
يحمل جثته ويرجع خيامه
آه يبني يا حلّو الجهامه
بعدك دنيتي غدت ظلامه

دمعات ونّات والحاله ميره راح الأكبر يا ليلي



مدده وسط الخيم واويلاه
والنساوي لاطمات وتنعااه
وانحنت ليلي تشوف امحياه
آه يبني غاب بدرك بدماه
خلفت يبني ابقلبي چم آه
يا جرح فقدك أبد ما أنساه

صيححات ضجات والعمّه كسيره راح الأكبر يا ليلي



آه يوليدي شيداوي لجروح
أنظرك مدمي وتصعب لشروح
يا عزيز حسين عزّي مذبوح
اشما أنعيّ ما يوفّي هالنوح
اشكّد يصعب تنفصل روح امن الروح
ما ظن ينشف دمع عيني المسفوح

لوعات حشرات ابدلاج سعيه راح الأكبر يا ليلي



امصاب يسعر يوليدي وسط احشاي
يا ضوه عيني ظلّمت دنياي
يا أكبر بعدك ما يرتوي اضماي
فاقده واذكر أيامك وارباي
طيفك ساكن يا حبيبي ابعيناي
آه يبنّي يا مالك كل ارضاي

جمرات حرّات وأحزانج كثيره راح الأكبر يا ليلي